

Visoki predstavnik donio zakone kojima su zakoni o obrazovanju u tri kantona usklađeni sa zakonom o obrazovanju na državnom nivou

Visoki predstavnik, Paddy Ashdown, je donio odluke kojima su ispravljani propusti Srednjobosanskog kantona, Zapadnohercegovačkog kantona i Kantona 10, koji do sada nisu uskladili svoje zakone o osnovnom i srednjem obrazovanju sa zakonom na državnom nivou.

Ovom odlukom visoki predstavnik je okončao situaciju koja je dovela u pitanje vladavinu zakona kao i međunarodne obaveze Bosne i Hercegovine. Prošle godine HDZ je, zajedno sa svim drugim strankama, glasao za Okvirni zakon o osnovnom i srednjem obrazovanju na državnom nivou. Zakon je jednoglasno usvojen u državnom parlamentu. Ipak, od kraja prošle godine navedeni kantoni čiji ministri obrazovanja dolaze iz HDZ-a nisu poduzeli potrebne korake kako bi se njihovi kantonalni zakoni uskladili sa državnim zakonom.

“To se više nije moglo tolerirati,” rekao je visoki predstavnik pri donošenju ovih odluka. “Potrebne pripreme moraju se provesti na vrijeme kako bi djeca u ovim kantonima mogla imati normalno obrazovanje, u skladu sa najboljom evropskom praksom, prije početka nove školske godine. Također, mora postati jasno da zaobilaženje vladavine zakona više jednostavno nije prihvatljivo u Bosni i Hercegovini.”

Ovim odlukama se ukidaju sankcije na budžetska sredstva namijenjena HDZ-u u ova tri kantona. Sredstva koja su im uskraćena dok su sankcije bile na snazi neće im biti vraćena,

ali će se iskoristiti za obrazovne svrhe u pomenutim kantonima.